

Mundo sa dal buelta!

Awo MEP kier tilda otronan di hinca man den cartera di pueblo

ORANJESTAD (AAN) Reaccionnan ta sigui yega cerca prensa no comprometi encuanto abuso di poder cu e gobierno di MEP ta sigui haci cu pueblo y awor mas cu nunca cu eleccion ta den porta, pueblo mes por ripara ki sorto di ridicules cierto MEPistanan ta bin cune pa hustifica abuso contra pueblo.

Partido MEP ta keha oficialmente via su pamfleta cu nan no ta haya entrada cerca hopi medio di comunicacion na Aruba y usando argumentonan hopi infantil y sin base, nan ta trata na crea e impresion cerca pueblo cu nan a bira un sorto di martir politico.

Despues di casi 4 aña di mal gobernacion, gobernantenan y parlamentarionan di MEP a muestra pueblo bon cla cu nan ta abusa di poder y placa di pueblo manera nan ta haya ta bon y nan ta trata na hustifica esey cu e 12 asientonan cu MEP a haya durante e ultimo eleccion anto awor riba dje nan kier bin hunga martir.

Usando un pamfleta di nivel hopi baho awor MEP kier ataca corantan na Aruba riba e aumento di prijs di corant.

Algun siman atras Nel hunto cu su muchanan manda na un cierto medio di comunicacion radial, a bay lansa tur sorto di acusacion contra DIARIO y te hasta yama DIARIO pa papelucho anto despues Nilo ta kere di por tin cuero di cara di yama

DIARIO y puntra ta di con nan comunicadonan di MEP no ta sali publica mas; señores no ta boso mes a bay acusa DIARIO di ta papelucho anto ta kico boso ta bin haci cerca papelucho anto?

Oficialmente partido MEP via su pamfleta baho a scoge pa busca confrontacion directo cu prensa no comprometi y prensa no comprometi ta tur medio di comunicacion cu no ta bay ciegame na amen di e gobierno di MEP.

Awor partido MEP kier papia di kartel di corantnan y doñonan di corant cu lo ta abusando di pueblo pasobra a aumenta e prijs di venta di corant di un dia pa otro!

Y te hasta partido MEP ta bisa cu no ta manera di hinca man den cartera di lectornan; wel señores si tin un gobierno y un partido politico cu publicamente pa casi 4 aña caba a abusa cu placa di

pueblo y a muestra pueblo bon cla con nan ta hinca man den cartera di pueblo, esey ta e gobierno di MEP.

Dia cu parlamentarionan di MEP hunto cu otronan den scondi di anochi a aproba pa aumenta salario di parlamentarionan y ministronan na un forma barbaro, e dia ey nan no a papia di hinca man den cartera di pueblo.

Ora cu Nel a pone tur su rumannan riba posicionnan clave den gobierno dunando

nan promocion y aumento barbaro di salario y tur sorto di toelage y beneficiacion extra, e dia ey MEP no a papia di hincamento di man den saco di pueblo.

Mas tristo ta cu MEP ta atacando un otro corant unda keto bay nan ta trata na sigui haya atencion di pueblo y awor ta yama e doño di corant ey como abusador y como un persona cu ta hinca

man den saco di pueblo y yama e corant ey pa uno di shisheria.

Cada doño di un medio di comunicacion ta dicidi pa su mesun compania kico ta su criterionan di aceptacion, pero na DIARIO si no ta

acepta ningun persona, organizacion of partido cu ta kere di por insulta y humiya prome y despues ta cana kibra sin cuero di cara pa bin pidi cooperacion pa publicacion; si bo no por respeta anto keda leu.

Atraco riba Great Rich Lottery

ORANJESTAD (AAN): Patruya a worde dirigi cu urgencia na un oficina a di catochi, esta "Great Rich Lottery", como cu eynan a caba di tuma lugar un asalto.

E prome informe ta menciona cu un homber cara tapa a drenta den e localidad. E tabata arma y a bay cu e botin.

Polis a papia cu e mucha muher di inicialnan S.A.M.M. di 19 aña el a bisa cu un rato prome el a worde

asalta. Un homber cu cara cubri, y arma cu un cuchio a drenta den e lugar di number.

E homber usando e arma, a menaza y exige tur placa. Hasta el a ranca e placa for di e empleado, y core bay.

Esnan di Atraco Team a worde notifica di e caso. A compila poco descripcion di e asaltante, esta cu e mester ta un homber color brui y delega.

E caso tin atencion di autoridadnan concerni.



BEST DEAL
Tel: 5827100
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

Magic Sweep
Afl: 35,=